

17. nov 2016

Umiartortut atorfinitsitaasarnerannut pissutsit pillugit inatsimmi Kalaallit Nunaanni naalagaaffigisami nangaanartitat pillugu atuukkunnaarsitsinissamik Naalackersuisut peqquneqar-nissaannik Inatsisartut aalajangiiffigisassaattut siunnersuut.

(Inatsisartunut Ilaasortaq Ane Hansen, Inuit Ataqatigiit)

Siunnersuutigineqartumut Siumumiit imaattumik oqaaseqassaagut.

Ukiuni makkunani nunatsinni najugaqartut umiartornermik ilinniarsimasut inuttaasinnaanerminnik ilungersornerisa nalaanni, siunnersuut una annertuumik pingaaruteqarpoq.

Siunnersuuteqarnermilu oqaatigineqartut ilagaat umiartortut illersorneqartariaqarnerat, tamannalu Siumumiit tamakkiisumik ilalerparput.

Naalackersuisut akissutaanni ersarippoq imarsiornermut tunngatillugu peruserineqartut pisoqaasut, aammalu Naalagaaffiup oqartussaassuseqarnera nalorninarmaat tamanna qaangerniarlugu Naalacker-suisut qallunaat Erhvervs- og Vækstministeriaqarfiannut saaffiginnissimapput isumaqatigiissuteqar-nissaq anguniarlugu.

Tamannalu Siumumiit angusaqarfiusumik allannguiffiusumillu kinguneqarnissaa kissaatigaarput, imarsiornermik inuutissarsiuteqartut pitsaasumik illersorneqarsinnaasumillu nunatta imartaani alla-nilu Kalaallit umiarsuarni niuffagiutini inuttaasarnissaat qulakkeerneqarsinnaaqullugu.

Siumumi paasinninnerput malillugu umiarsuarni niuffagiutini inuttat pineqarput, tamannalu aallar-tiffigalugu imarsiornermik oqartussaaffiit nunatta oqartussaaffigilersinnaanerannik sulinermut aallarniutaasut ilagisariaqaraat Siumumi isumaqarfigaarput.

Uanilu siunnersuummi ilaangikkaluartoq Naalackersuisunut ilanngullugu umiarsuit niuffagiutit il.il. ilanngullugit erfalasutsinnik erfalasoqartalernissaata anguniarneqarnissaat Siumumit piumasari-varput.

Kinguneranillu Aningaasartuuteqarnissaq annertoq taaneqartuartoq kisiat isumaginagu, akerlianik aningaasarsiorfiusinnaanerata oqartussaaffiup tiguneqarnerata kingorna misissorluaqqarput.

Naalackersuisullu itigartinneqarnissaannik innersuussaqaarnerat uniffiginagu Ataatsimiititaliamut su-sassaqaartumut ingerlatikkumavarput, Ataatsimiititaliallu sulinermini siunersuummi qulequtarineqar-tumik allannguuteqartitsisinnaallutik sulinissaat innersuussutigalugu allannguutaasinnaasumik qulequttamat imatut innersuussissaagut:

“Nunatsinni imarsiornermut oqartussaaffiup tiguneqarnissaannik Naalackersuisut piginnaatinne-qassasut Qallunaat Naalackersuisuinut isumaqatiginninniarnissaannik, Isumaqaatiginninniarnerrullu 2017-imi ukiakkut naammasineqarnerani angusarineqartut tunngavigalugit, UPA2018-imi Naalackersuisut Inatsisartunut saqqummiussissasut.”

Taamatut Siumumiit oqaaseqarluta kinguneqarluartumik naammassineqarnissaa neriuutigaarput.

Karl-Kristian Kruse
Siumut